



XALQ DEPUTATLARI BULUNG'UR TUMAN KENGASHINING QARORI

2022 - yil 29 - sentabr

VI-70-159-7-93-K/22

Bulung'ur tuman hokimligi

Bulung'ur tumanida 2022-yilda xizmatlar sohasini rivojlantirish dasturining sentabr oyidagi ijrosi to‘g‘risida

O‘zbekiston Respublikasi Prezidenti Sh.M.Mirziyoyev rahbarligida “Xizmatlar sohasini rivojlantirish bo‘yicha amalga oshirilayotgan ishlar natijadorligi, kelgusidagi ustuvor vazifalar hamda hokim yordamchilari faoliyatini tashkil etish, 2022-yilda mehnat balansi va bandlik dasturini shakllantirish bo‘yicha amalga oshirilayotgan ishlar to‘g‘risida”gi 2021-yil 14-dekabr kuni o‘tkazilgan videoselektor yig‘ilishining 55-sonli bayoni ijrosini ta’minalash maqsadida tumanda 2022-yilda xizmatlar sohasini rivojlantirish dasturining sentabr oyidagi ijrosi to‘g‘risidagi tuman hokimining birinchi o‘rinbosari D.Xabibullayevning hisoboti eshitilib, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 24-moddalariga muvofiq, xalq deputatlari tuman Kengashining yetmishinchi sessiyasi

QAROR QILADI:

1. Tumanda 2022-yilda xizmatlar sohasini rivojlantirish dasturining sentabr oyidagi ijrosi to‘g‘risida tuman hokimining birinchi o‘rinbosari D.Xabibullayevning hisoboti ma’lumot uchun qabul qilinsin.

2. Tuman sektor rahbarlari, tuman hokimining o‘rinbosarlari (D.Xabibullayev, A.Elmurotov, A.Xalikulov, A.Rizayev, A.Buriboyev, N.Mamadiyarova), tumandagi bo‘lim va tashkilot rahbarlari hamda mahallalarga biriktirilgan hokim yordamchilariga:

2022-yilga mo‘ljallangan xizmatlar sohasini rivojlantirish dasturidagi tegishli bandlari ijrosini oyma-oy, o‘z vaqtida va yanada sifatli bajarilishini ta’minalash

bo‘yicha tizimli tadbirlarni amalga oshirsh;

xizmat ko‘rsatuvchi subyektlar soni, shu jumladan yangi tashkil etilgan, xizmatlar hajmi va turlari, yaratilgan ish o‘rinlari, soliq bazasi va boshqa muhim ko‘rsatkichlar asosida tegishli sohalar bo‘yicha yuritilayotgan monitoringning sifat ko‘rsatkichlarini yaxshilanishini ta’minlash;

kichik biznes va xususiy tadbirkorlikning rolini oshirish, kasanachilik, oilaviy tadbirkorlik, hunarmandchilikni rivojlantirish orqali yoshlarni va imkoniyati cheklangan shaxslarning bandligiga erishish;

tadbirkorlikni yo‘lga qo‘yish va rivojlantirish bo‘yicha jismoniy va yuridik shaxslardan kelib tushayotgan har bir murojaatni belgilangan muddatlarda, to‘liq va sifatli ko‘rib chiqilishini, murojaatlarda ko‘tarilgan masalalarni ijobiy hal etilishini ta’minlash;

xizmatlar sohasida ish olib boruvchi barcha tadbirkorlik subyektlariga ish faoliyatini rivojlantirish uchun qulay shart-sharoitlar yaratishga ko‘maklashish;

mahallalardagi tashabbuskor tadbirkorlarning g‘oyalari asosida aholining ehtiyoji mavjud xizmatlarni yo‘lga qo‘yish bo‘yicha loyihalarni kiritish, shuningdek, joylarda mazkur xizmatlarni ko‘rsatuvchi “xizmat ko‘rsatish majmualari”ni tashkil etish bo‘yicha zaruriy tadbirlarni amalga oshirsin.

3. Tuman Davlat soliq inspeksiyasi (Sh.Eshmurotov) xizmatlar sohasida faoliyat ko‘rsatayotgan korxonalar tomonidan haqqoniy xizmat ko‘rsatish hajmlari va ish o‘rinlarini oylik hisobotlarda ko‘rsatilishini monitoring qilib borsin.

4. Xalq deputatlari tuman Kengashi deputatlariga o‘zları saylangan mahallalardagi yangi tashkil etilgan xizmat ko‘rsatish obyektlarini va bu orqali yaratilayotgan yangi ish o‘rinlarini tahlil qilish tavsiya etilsin.

5. Tuman hokimligi axborot xizmati (A.Jabborov), “Bulung‘ur hayoti” gazetasi (G‘.O‘rolov)larga tumanda xizmatlar ko‘rsatish sohasini rivojlantirish bo‘yicha ko‘rilayotgan choralar yuzasidan olib borilayotgan ishlarni ommaviy-axborot vositalarida yoritib borish tavsiya etilsin.

6. Ushbu qarorning ijrosini nazorat qilish xalq deputatlari tuman Kengashining Mahalliy budjetni shakllantirish va ijro etish, iqtisodiy islohotni amalga oshirish va tadbirkorlikni rivojlantirish masalalari bo‘yicha doimiy komissiyasi (M.Nomazov) hamda ijrosini ta’minlash tuman hokimining birinchi o‘rnbosari D.Xabibullayev zimmalariga yuklatilsin.

Kengash raisi



S.Astonov